

贛縣志卷二十四

武備志

武事

師居八政兵列五材戎事戰功固所以威天下也贛地崇山幽谷每爲奸民逋逃數負固跳梁歷代不絕諸鉅公芟夷大難丕著奇勳載在史書班班可考舊志仿編年體例於前志多所訂正今以近年兵事編而續之庶幾安不忘危有備無患鑒往事而思未雨之綢繆乎

晉愍帝建興三年乙亥振武將軍周訪合諸軍征流人杜弢於豫章弢歸湘州遣杜宏出海昏安戰敗突圍走南康太守虞潭將兵逆擊又破之宏奔臨賀(晉書周訪傳)

義熙六年庚戌徐道覆寇南康陷之道覆盧循之姊夫也循權假廣州刺史時驛道覆爲始興相道覆密欲裝舟艦乃使人伐船材於南康山僞云將下都貨之後減價賤市於郡人及擧兵拔券取還旬日而船板大集舟辦遂與循寇下流南康廬陵豫章諸郡皆陷時

贛縣志

卷二十四

武事

諸葛長民率衆入衛表曰妖賊伐船集木而南康相郭澄之隱蔽經年罪合斬詔原之道覆戰敗還始興循走交州皆被殺傳首京師(晉書)

劉宋明帝泰始元年乙巳晉安王子勛反於潯陽贛令蕭贖拒不從命繫於郡獄已而出獄舉義襲豫章敗之封贛縣子邑三百戶固辭不受周凝民以軍功封贛縣男食邑三百戶(南宋史)

泰始元年齊武帝隨從辟州西曹書佐爲贛令江州刺史晉安王子勛反帝率部曲百餘人舉義兵始興相殷孚將萬兵赴子勛於潯陽或勸帝擊之帝以衆寡不敵避遁揭陽山中衆衆至三千人子勛遣其將戴凱之爲南陽相及軍主張宗之千餘人助之帝引兵向郡擊凱之別軍主程超數百人於南康口又進擊宗之破斬之遂圍郡城凱之以數千人固守帝親率將士盡日攻之城陷凱之走殺僞贛令陶冲之帝即據郡城遣軍主張應期鄧惠貞三千人襲豫章子勛遣軍主譚秀之等七千人與應期相拒於西昌築營壘交戰不能決聞帝將自下秀之等潰散(宋書)

武帝永初二年南康揭陽蠻反郡縣討破之（宋書）

始興士人劉嗣祖據郡起義遣衆出南康與齊王世子蕭贖合韋希真等以義徒強盛住廬陵不敢進（宋書鄧琬傳）

明帝泰始間以南康建安安成宣城四郡昔不同兩逆並不在徵發之例（宋書）

齊武帝永明三年春正月以大司農劉楷爲交州刺史發南康廬陵兵討李叔獻（通鑑）

梁武帝大同八年張綰爲豫章內史安城人劉敬官挾妖術聚黨攻郡轉寇南康廬陵屠破郡邑有衆數萬吏民恒擾奔散綰修城隍設戰備募召勇敢得萬餘人湘東王遣司馬王僧辨帥兵討賊受綰節度旬月間賊黨悉平（梁書張綰傳）

簡文帝大寶元年正月陳霸先發始興次大庾嶺遣其前軍杜僧明周文育戰於南野蔡路養妻姪蕭摩訶年十三單騎出戰無敢當者僧明馬被傷霸先馳揀之以所乘馬授僧明僧明上馬復戰周文育爲蔡路養所圍矢石雨下所乘馬死文育右手搏戰左手解鞍潰圍而出與杜僧明等并力復進遂大敗之（杜僧明等本傳）

續縣志

卷二十四

武事

二

霸先進頓南康湘東王繹承制授霸先交州刺史改封南野縣伯於是修理崎頭古城徙居之（陳武帝本紀）

夏五月高州刺史李遷仕反據大皋口遣其將杜平虜入瀨石魚梁作城逼南康霸先命周文育擊走之文育據其城遷仕聞平虜敗選精兵自將攻文育文育與戰遷仕稍卻會霸先遣杜僧明來援別破遷仕水軍遷仕衆潰不敢過大皋直走新淦遷仕又與竇都人劉孝向（本紀名謫）并力將襲南康霸先又遣文育與侯安都杜僧明等築城於白口（舊志作皂口）拒之相持百餘日次年三月文育頻出與戰遂擒遷仕送南康斬之（周文育等傳）

侯景反廣州都督蕭勃徵兵援臺高州李遷仕據大皋遣召高涼太守馮寶寶欲往夫人洗氏疑其反止之數日遷仕果反遣主帥杜平虜率兵入贛石夫人曰平虜入贛與官兵相距勢未得還遷仕在州無能爲也宜遣使詐之云身未敢出欲遣婦往參彼必無防慮我將千餘人步擔雜物倡言輸賧得至柵下賊亦可圖從之遷仕果不設備洗氏擊之大

捷因總兵與長城侯陳霸先會於贛石還謂寶曰陳都督極得衆心必能平賊若宜厚資之(北史)

敬帝太平二年丁丑二月廣州刺史蕭勃舉兵自廣州度嶺頓南康遣其將歐陽頎傳泰及其子孜爲前軍至豫章分屯要險詔周文育督兵討之(陳武帝本紀)

文育遣嚴威將軍周鐵虎與長史陸山才襲頎擒之因攻傳泰克之蕭勃在南康聞之股栗其將譚世遠斬勃欲降爲人所殺世遠軍主夏侯明徹持勃首以降(周文育傳)

隋文帝開皇九年遣總管韋洸安撫嶺外陳將徐瑤以南康拒守洸至嶺下不敢進晉王廣遣陳主遣譙國主人洸氏書諭以國亡令其歸化夫人驗知陳亡遣其孫魂帥衆迎洸入至廣州嶺南悉定表魂爲儀同三司(隋書列女傳)

十年裴矩奉詔巡撫嶺南時高智慧汪文進等作亂吳越道閉矩請速進行至南康得兵數千人擊破廣州俚帥王仲宣兵於大庾嶺仲宣潰散還報上大悅願謂高頎楊素曰韋洸將二萬兵不能早度嶺裴矩以三千敵卒徑至南康有臣若此朕亦何憂以功拜開府

贛縣志

卷二十四

武事

三

賜爵縣公(裴矩傳)

煬帝大業十二年丙子冬鄱陽賊帥操師乞反以鄉人林士宏爲大將軍攻陷都邑詔遣治書侍御史劉子翊將兵討之師乞中流矢死士宏收其衆復大振衆至十餘萬據虔州自號南越王已而僭號楚稱皇帝諸郡邑多殺守令以附贛城鄉俱屬焉士宏北盡九江南盡番禺悉爲所有(隋史)

唐高祖武德五年冬十月楚王林士宏弟鄱陽王藥師以兵二萬圍循州總管王世略破斬之士宏死改洪州總管爲都督領洪吉虔饒撫南平六州(太平寰宇記)

張善安克州方與人亡命爲盜依林士宏不見信憾之反襲士宏焚其郭去保南康蕭銑取豫章善安奪其地據以歸國授洪州總管(唐書本傳)

代宗大歷八年己丑循州刺史哥舒晃反殺節度使呂崇賁詔江西都團練使路嗣恭兼嶺南節度使統五嶺兵討之駐於虔秋毫無擾民悉感德爲建生祠刺史孟瑤聞於朝顏真卿爲之記子應刺虔亦有惠政

僖宗乾符五年黃巢乞降復叛轉寇浙東高駢遣將張澹梁續攻賊破之賊收衆踰江西破虔吉饒信等州因刊山開道直趨建州(唐書)

光啓元年秦宗權賣租賦於光州刺史王緒緒不能給宗權怒發兵擊之緒悉舉光壽兵五千人驅吏民渡江以劉行全爲前鋒轉掠江洪虔州(通鑑)

壽春屠者王緒與妹婿劉行全聚衆據壽州自稱將軍復取光州提二州籍附秦宗權宗權以爲光州刺史召其兵復擊黃巢緒遲留不行宗權發兵攻緒緒率衆南奔略潯陽贛水陷汀州自稱刺史皆不能有也(十國春秋)

昭宗景福元年壬子夏六月孫儒兵敗劉建鋒馬殷收散卒轉寇江西有衆七千推建鋒爲主殷爲前鋒張佖爲謀主略洪虔數州衆遂十餘萬(唐書本傳)

天復二年壬戌盧光稠出兵攻嶺南使其子延昌守虔遂陷韶州清海節度副使劉隱攻圍韶州其弟巖曰延昌有虔州之援首尾受敵未可遽取隱不聽會江漲餽運不繼虔援兵至譚全播伏精銳萬人於山谷中以羸弱五千挑戰僞北清海兵急追之伏發大敗於

贛縣志

卷二十四

武事

四

城南隱奔還因盡以兵事付巖全播凱旋悉讓功於諸將光稠亦賢之(唐書)

五代唐天祐六年(即梁開平三年)八月虔州刺史盧光稠以州附於淮南(豫章書)

七年(即梁開平四年)庚午冬十二月防禦使盧光稠卒譚全播立其子延昌淮南節度判官嚴可求請置制置使於新淦縣遣兵戍之以圖虔州每更番輒潛益其兵虔人不覺也(十國春秋)

八年(即梁乾化元年)辛未冬十二月百勝軍指揮使黎球殺盧延昌而代之(十國春秋)球暴病死牙將李彥圖自立譚全播杜門稱疾彥圖死州人相率詣全播第請之全播乃起遣使請命於梁拜防禦使(五代史)

十五年(即梁貞明四年)春吳以右都押衙王祺爲行營都指揮使擊全播於虔州嚴可求以厚利募水工兵至城下虔人始知之秋七月軍中大疫王祺病乃以鎮南節度使劉信爲虔州行營招討使全播乞師鄰境聞楚救之楚將張可求軍古亭聞兵屯零都信遣將張宣夜襲楚兵大破之九月信攻虔州不克取質而還時徐溫當國大怒曰信以十倍

之衆攻一城而不克何以威敵國乃授信子英彥兵三千與昇州內衙指揮使朱景瑜俱往冬十一月信還擊先鋒始至虔兵皆潰遂拔虔州執全播於零都（十國春秋）

南唐保大初有神降於羅縣民家縣吏張遇賢事之甚謹會循州盜起無所統禱於神神曰張遇賢汝主也衆遂立之神告取虔州則大事可成遇賢乃僭號改元度嶺襲虔州兵皆絳衣時謂之赤軍子節度使買浩不能禦遇賢據白雲洞衆十餘萬元宗遣洪州營屯都虞侯嚴思率所部討之通事舍人邊鎬爲監軍虔有書生白昌裕沈密有謀鎬引與定計刊木開道襲白雲洞潰其衆裨將李台執遇賢以降斬於金陵市（南唐書）

宋高宗建炎三年己酉金人南侵高宗移蹕建康請隆祐太后奉神主如江西秋七月詔端明殿學士滕康權知三省樞密院事吏部尚書劉珪爲貳護從以行金人陷臨江軍衷撫三州滕康等倉卒奉太后至吉安金兵追急乘舟夜行資明至泰和舟人景信反楊惟忠兵潰滕康等遁兵衛不滿百珪奉太后及潘貴妃自萬安以肩輿如虔州金人追御舟至皂口不及而還時虔中府庫皆空衛兵所給惟得沙錢市買不啻與百姓交鬪縱火肆

掠太后震驚土豪陳新等以赴難爲名衆幾萬寨於梅林進逼南門楊惟忠部將胡友自外引兵呼城內兵出戰新中流矢死衆遂潰已而金人陷吉州還屠洪州明年春三月帝遣廬益辛企宗等奉越太后還越康珪皆貶秩（宋史）

四年庚戌冬十月虔州賊李敦仁舉兵破石城縣邑人陳皓及子敏力戰斬李世昌生擒李世立收復石城至紹興二年敦仁等就撫悉授官隸諸軍（謝志）

紹興元年辛亥秋七月虔州賊陳容作亂九月詔江西路安撫使討之（宋史本紀）
二年壬子春三月李敦仁降及其徒皆授官（豫章書）

冬十月虔州賊謝達犯惠州（宋史）

三年癸丑宣諭劉大中奏會岳飛討虔吉諸郡盜賊固石洞賊彭友悉衆迎戰躍馬馳突戈即馬上擒之餘酋退保其洞高峻環水止一徑可入飛列騎山下令皆持滿遣死士潛入賊巢黎明奮擊賊潰蔽山而下騎兵圍之賊號呼丐命飛令勿殺受其降帝以隆祐太后震驚之故密旨令屠虔飛請宥不許請至三四乃曲赦虔人感其德繪像祀之（宋

史岳飛傳

五年乙卯虔賊周十隆降復叛(宋本紀)李忠定奏議云虔賊周十隆等於正月內結集賊徒劫虔化等縣本軍遷延寇賊滋蔓累經招安授官復叛三月十四日奉旨除賊首周十隆不赦外其餘徒衆許其自新仰李貴統率官軍前去措置招捕其擒獲人依格推賞招到徒黨並時免罪將脅從並老弱人放令歸業留強壯人隨軍務

十一年辛酉春二月虔吉盜悉平(宋史本紀)

二十一年辛未秋七月虔州軍卒齊述殺統制吳進同總領馬晟據州叛八月遣殿前遊亦軍統制李耕討之冬十一月李耕入虔盡誅叛兵事遂平(宋史宏簡錄)

謝志云東南第六將校齊述以八營四千人據州以叛脅附者又四千人高宗命神龍衛四都都指揮使忠州團練使李耕護殿陛之備致討尋命守虔耕至軍於獅子岡劉綱以洪州兵駐城東南張寅以循州兵駐城南張訓通以鄂州兵駐於北陳敏以福建兵駐於東鄧酢以寧都兵扼水東王歷陳修年以漕屬給餉十一月耕促雲梯天橋徑薄東北隅

贛縣志

卷二十四

武事

六

神臂弓交發命中砲十三梢飛石相屬敢死士先登賊寨巷戰耕督麾下躡之賊敗絕西城訓通網扼其衝半溺於江餘轉走城南突張寧寨兵士鑿戰一賊不得縱耕築京觀列功狀以聞將士遷秩有若桐鄉朱翌作紀功碑

二十三年鬱虔州叛卒黃明等八人於都市改虔州爲贛州(豫章書)

寧宗開禧二年范應鈴知吉州贛叛卒朱先賊殺主帥應鈴曰此非小變也密遣諜厚賞捕之(宋史范應鈴傳)

理宗紹定六年癸巳陳鞞進寶章閣待制知隆興府贛寇陳三槍據松梓山砦出江廣所至殘虐遣官吏諭降輒殺之鞞乃決計除蕩十一月詔節制江西廣東福建三路捕賊軍馬(宋史)

端平元年甲午春正月陳鞞進華文閣待制江西安撫使兼知贛州至則斬將士之張魁賊勢及掠子女貨財者齊敏李大聲所至克捷分兵守大石堡斷賊糧道遂破松梓山親督諸將乘春瘴禾生薄山下賊悉精銳迎敵鞞軍步騎夾擊縱火焚其巢賊首張覓王自

焚斬千五百級擒賊將十二得所掠婦女牛馬及僭偽服物各數百三槍中箭而遁追及下黃又敗之遁至興甯就擒斬隆興市所跨三路數州六十砦悉平之(宋史)

度宗咸淳六年庚午春三月吉贛南數被寇出沒無時砦卒莫能相援因即要害立四砦每砦屯兵百地勢聯絡禦寇爲便擇三郡將官領之(豫章書)

恭帝德祐元年乙亥江西安撫使知贛州文天祥奉詔勤王使陳繼周發郡中豪傑並溪洞蠻有衆萬人以家資給軍

端宗景炎元年命天祥開府南劍州經略江西天祥遣趙時賞等將一軍取甯都吳浚將一軍取零都劉洙等皆自江西起兵來會二年春二月吳浚降元至漳州說天祥降天祥責以大義斬之三月天祥取興國縣夏五月天祥自梅州提兵出江西入會昌縣六月辛酉取零都已卯入興國七月使趙時賞等分道復吉贛諸縣遂圍贛州八月元江西宣慰李恆遣兵援贛自將攻天祥於興國天祥不意恆猝至遣兵戰鍾步不利乃引兵就鄒鳳於永豐鳳兵亦潰天祥至空坑兵盡潰挺身走循州諸將皆被執(宋史)

贛縣志

卷二十四

武事

七

元世祖至元十七年庚辰吉贛盜起行省遷隆興元帥府以鎮之(元史)

二十六年己丑夏五月廣賊鍾明亮寇贛州掠粵都江西左丞管如德遣使招諭賊詣石城降十月明亮復反詔月的迷失復與福建江西省合兵討之(元史)

二十七年庚寅春二月鍾明亮等復降詔徙爲首者於京師而給其餘黨糧(元史)
成宗元貞二年冬十月贛州兵起江西行省左丞董士選擊平之(通鑑綱目)

贛州盜劉六十僞立名號聚衆至萬餘朝廷遣兵討之主將觀望退縮不肯戰守吏又因以擾良民賊勢益盛士選請自往衆欣然託之即日就道不求益兵但率掾史李霆鎮元明善二人持文書以去衆莫測其所爲至贛境捕官吏害民者治之民相告語曰不知有官法如此進至興國縣去賊巢不百里命擇將校分兵守地待命察知激亂之人悉寘於法復誅奸民之爲囊橐者於是民爭出請自効不數日遂擒賊魁散餘衆歸農軍中獲賊所爲文書旁近郡邑富人姓名具在霆鎮明善請焚之民心益安(元史)

仁宗延祐二年秋七月贛州民蔡五九兵起擒斬之(綱目)

八月丙戌贛賊蔡五九陷汀州寧化縣僭稱王號詔遣江澗行省平章張驥等率兵討之
臺臣言蔡五九之變皆山呢匹馬丁經理田糧與郡縣橫加酷暴逼抑至此信豐一縣撤
民廬千九百區夷墓揚骨虛張頌亂流毒居民乞罷經理及冒括田租制曰可（元史）
至正十八年戊戌秋九月二十四日僞漢遣將攻圍贛州城陷達魯花赤哈海赤暨江西
行省參政全普菴撒里晉死之先是全普守贛與哈海赤同爲城守八月民間食盡九月
軍無見糧而守益力父老懇曰食盡矣如一城生靈何哈海赤知勢不可支語帳前軍校
法昌等曰爾率民兵血戰導我出城爾等還以城降我入南中圖興復法昌等猶豫義兵
萬戶馬合穆沙禿倫歹等殺晉以殉城中然後縛哈海赤出降至城外哈海赤望見賊兵
大罵已而曰與汝戰者我也毋殺我百姓當速殺我遂遇害僞兵入城忿其久不下燔劫
一空居民殲焉

二十四年甲辰秋八月高祖命平章常遇春指揮使陸仰亨會江西行省參政鄧愈討
江西上流未附州郡既復吉安遂引兵趨贛時守將熊天瑞固守不下帝命平章彭時中

以兵會遇春等共擊之又命中書右司郎中汪廣洋參謀軍事諭廣洋曰汝至贛可與遇
春等言熊天瑞困處孤城猶籠禽阱獸豈能逃逸但恐城破之日殺傷過多要當以保全
生民爲心一則可以爲國家用一則可爲未附者勸且如漢將鄧禹之不妄誅殺安享高
爵子孫昌盛此可爲法遇春乃浚濠立柵以困之天瑞子元震竊出覘兵勢適遇春亦從
數騎出猝與相遇遣將士揮刀擊之元震奮鐵槌以拒且鬪且却遇春曰壯男子也會之
天瑞援絕糧盡遣元震出降肉袒詣軍門盡獻其地蓋次年正月也遇春送天瑞建康奏
捷帝聞克贛不殺喜甚遣使褒諭遇春曰朕聞仁者之師無敵非仁者之將不能行也今
將軍破敵不殺是天賜將軍隆我國家千載相遇非偶然也捷書至予甚爲將軍喜雖曹
彬下江南何以加之先是天瑞據贛加賦橫歛既降有司徵仍舊帝曰此豈可爲額耶命
亟罷之並免甲辰秋糧之未輸者

永新人尹堅從熊天瑞據贛州爲兵馬指揮登城飛鉅石傷常遇春頰明日天瑞降堅將
自殺遇春召慰曰好男子當如是留幕下還朝言於上命武士與角力皆不支以爲直殿

士請給旗牌提督軍務得便宜從事衛書王瓊奏從其請乃更兵制二十五人爲伍伍有小甲二伍爲隊隊有總甲四甲爲哨哨有長協哨二佐之二哨爲營營有官參謀二佐之三營爲陣陣有偏將二陣爲軍軍有副將皆臨事委不命於朝副將以下得遞相罰治其年秋七月進兵大庾志山乘間急攻南安知府季敦擊敗之副使楊璋等亦生繫曰能以歸遂議討橫水左溪冬十月都指揮許清贛州知府邢珣寧都知縣王天興各一軍會橫水敦及守備鄭文汀州知府唐醇縣丞舒富各一軍會左溪吉安知府伍文定程鄉知縣張戡自上猶南康入遏其奔軼守仁至橫水去賊巢三十里先遣四百人伏賊巢左右進軍逼之賊方竄戰兩山舉幟賊大驚謂官軍已盡犁其巢遂潰乘勝攻橫水志山及其黨蕭貴模等皆走桶岡左溪亦破守仁以桶岡險固移營近地諭以禍福賊守藍廷鳳等方震恐見使至大喜期仲冬朔降而珣文定已冒雨奪險入賊阻水陣珣直前搏戰文定與戡自右出賊倉卒敗走遇淳兵又敗諸軍破桶岡志山貴模廷鳳面縛降凡破巢八十有四俘斬六千有奇時湖廣巡撫秦金亦破福全其黨千人突至諸將擒斬之乃設崇義縣

於橫水控諸貉還至贛州議討洩頭賊初守仁之平師富也龍川賊盧珂鄭志高陳英賢請降及征橫水洩頭賊將黃金巢亦以五百人降獨仲容未下橫水破仲容始遣弟仲安來歸嚴爲戰守備詭言珂志高讎也將襲我故爲備守仁佯杖繫珂等而使珂弟集兵待遂下令散兵歲首大張燈樂仲容信且疑守仁賜以節物誘入謝仲容率九十三人營教場而自以數人入謁守仁呵之曰若皆吾民屯於外疑我乎悉入祥符宮厚飲食之賊大喜過望守仁留仲容觀燈樂正月三日大享伏甲士於門諸賊人以次擒戮之自將抵賊巢連破上中下三洩斬賊二千有奇餘賊奔九連山山橫亘數百里陡絕不可攻乃簡壯士七百人衣賊衣奔崖下賊招之上官軍進攻內外合擊擒斬無遺乃於下利立和平縣置戍而歸自是境內大定初朝議賊勢強虜廣東湖廣兵合勦守仁上疏止之不及桶岡旣滅湖廣兵始至及平洩頭廣東尙未承檄守仁所將皆文吏及偏裨小校平數十年巨寇遠近驚爲神(明史本傳)

世宗嘉靖五年都御史潘希曾令贛州通判董鳴鳳指揮劉鏜等合兵討洩頭賊曾惟德

等失利復命同知伍佐指揮姚靈統兵繼之戰於龍南太平堡中洲等處擒賊首曾惟德鬼吹角等一百七十名追至曲潭及九連山奪回被虜官員董鳴鳳擒斬賊四十名各賊潛竄二省(江西大志)

十四年乙未分巡湖西道周相來攝南贛道事沿途告安遠杜柏者日以百數相至贛聞柏恣橫不可逮捕狀乃佯曰柏富招怨耳碎其狀衆益憤羣走分控三院冀得轉於相柏偵知告者姓名日撥百餘人抄殺之有孫宏者懼抄將及聚族千丁自保其媼葉天序亦糾族丁千人助結爲寨潛奔告於相相諭之歸曰過端午出巡爲若等理積訟宏序歸途懼柏邀殺急投黃鄉保曾婆曾令十頭目領三千人合宏序之衆爲一大寨曾婆者舊所稱滿總葉芳妻也夫死代領其衆柏上變告孫宏葉天序合黃鄉保賊反軍門信之發兵一千三百令四指揮部領赴道聽調度討宏序相親書密揭軍門白宏序不反反者杜柏也絕不使吏人知而陽戒不得泄泄者罪無赦四指揮故與柏連左言曰柏實罪魁宏序何辜相歎息曰如軍門之令何吏人等潛馳告柏柏遂弛備相發南贛至安遠乃大閱差

贛縣志

卷二十四 武事

十一

千戶五各領旗牌一押孫宏西去里許聽理一押葉天序東去里許聽理一押滿總十頭目兵歸黃鄉保一同典史疾馳安遠諭新民出城押歸原耕住處一選帶素與柏厚者數人諭之赴理五旗牌一時齊發柏計窮來伏庭下相曰柏既來須集衆庭鞠之械宏序送鎮撫司監候而密具舟五十艘分載諸兵將畢忽執三犯乘夜順流歸贛柏黨千人馳至信豐聞柏已縛去各散歸遂反接柏及惡僕杜龍杜虎親家黃金璋獻俘軍門會新道至亟杖殺四凶然後行十六年丁酉冬十月從南贛提督王浚議復設兩贛各縣捕盜主簿

(豫章志)

二十一年冬十二月廣賊蔡子顯等寇贛州指揮斯邦爵主簿蔡思賢死之(豫章書)
三十六年丁巳春三月龍南賊賴清規據下歷保以叛清規本平民素有機智嘗從征三洲有功獲究本縣老人善爲人解紛息鬪偶以族人獄事干連法應配時一郡倖署縣事索清規賄賄入不厭其意再四逼迫清規逃匿而倖蹤跡之益急因聚衆拒捕遂反龍南之橫岡信豐之員魚巡邏安遠之大小石伯洪俱爲所脅合岑岡賊李文彪高砂賊謝允

樟號三巢而清規爲雄嘯聚十年地方受其荼毒(明史)

三十九年安遠葉槐與岑岡賊李文彪作亂槐安遠人知縣章彬之增從其巢岡死彬疑中毒用奸民王昭等策矯軍門檄集兵攻之反爲所敗岑岡亦激於指揮李种輕聽王本奪文彪妻弟婦判歸王本摧抑之文彪怒發兵圍龍南焚掠甚慘遂合廣東流賊寇掠石城瑞金雩都南康贛縣進及泰和殺汪副使及各指揮軍潰處撫楊伊志坐罷而以布政陸穩代之諸寇尋平葉槐亦就撫

四十年辛酉饒平賊張璉故爲斗庫侵欺絳法遂以失計良家子作亂閩廣諸巢賊附之夏五月流入興國自龍沙出梁口萬安及泰和殺副使汪一中執參議王應時勢益猖獗遂過衣錦鄉長信里溫陂等處焚劫一空新撫陸穩遣安遠令石廩領黃鄉葉槐等兵襲之擒斬數十人賊敗走出境(明史)

四十二年夏四月進吳百朋右僉都御史提督軍務巡撫南贛汀漳與兩廣提督吳桂芳討平河源賊李亞元程鄉賊葉丹樓又會師破倭灣豐初廣東大埔民藍松山余大眷倡

贛縣志

卷二十四

武事

十二

亂流劫漳延興泉間官軍擊敗之奔永春與香寮盜蘇阿普范繼祖連兵犯德安爲都指揮耿宗元所敗僞請撫百朋亦陽罷兵而誘賊黨爲內應先後悉擒之惟三巢未下岑岡賊李文彪死子珍及江月照繼之益猖獗

四十五年秋百朋遷右副都御史巡撫如故上疏曰三巢僭號稱王旋撫旋叛廣東和平龍川興寧江西龍南信豐安遠蠶食過半不亟討禍不可言三巢中惟清規跨江廣六縣最逆命用兵必自下歷始帝採部議從之百朋乃命守備蔡汝蘭擒清規於苦竹嶂羣賊震懾隆慶初吏部以百朋積苦兵間稍遷大理卿給事中歐陽一敬等請留百朋勸賊詔進兵部右侍郎兼右僉都御史巡撫如故百朋奏春夏用兵妨耕作宜聽撫帝從之(明史列傳)

萬曆三年葉夢熊爲贛州知府平黃鄉賊(明史)

崇正五年壬申粵賊丫婆總流劫贛吉屬雩邑各鄉受禍甚慘贛閩二撫軍遣將協勦迨至泰和界賊就撫(舊志)

十六年張獻忠自長沙突至吉安兵備岳虞鬱方聞軍於郊聞報潰走吉安諸縣同日陷冬十一月江督呂大器兵復吉安是月設南贛兵三千以副總兵鄭鴻遠統之（明史紀事）

國朝順治二年乙酉閩羅總亂粵都等處守將金世任督兵討之副總兵徐必達領營將林宗吳玉簡率兵至粵都車頭來云賊願受撫必達報虔撫李永茂從之發招安免死牌冠帶花紅遣官齎至粵都宗獨領兵八十人詣賴村賊營中賊衆迎宗盡殺宗云

是年南都破江西惟贛州存唐王在福建手書加楊廷麟吏部右侍郎劉同升國子監祭酒使勤王廷麟字伯祥清江人崇正四年進士初授編修有聲館閣皇太子將出閣充講官兼直經筵言保舉當嚴舉主如唐世濟王維章乃溫體仁王應熊所薦今二臣敗而舉主不問是連坐之法先不行於大臣欲收保舉效得乎帝爲動色又疏劾兵部尙書楊嗣昌言嗣昌及薊遼總督吳阿衡內外扶同朋謀誤國與高起潛方一藻倡和款議武備頓忘今可憂在外者三在內者五督臣盧象昇以禍國責樞臣言之痛心乞陛下明正主和

贛縣志

卷二十四

武事

十三

之罪召見諸臣咨以方略諭象昇集諸援師乘機赴敵不從中制時嗣昌主和議而廷麟痛詆之嗣昌大悲詭薦廷麟知兵改授職方主事贊畫象昇軍象昇令廷麟往真定轉餉及象昇戰死賈莊嗣昌聞廷麟奉使未死不憚久之會廷麟報軍中曲折嗣昌擬旨責以欺罔事平貶秩調外黃道周獄起詞連廷麟當逮未至而道周釋言者多薦廷麟十六年秋復授職方主事未赴都城失守廷麟慟哭募兵勤王福王用御史祁彪佳薦召爲左庶子不就宗室朱統鑽誣廷麟謀不軌以姜曰廣爲內應王不問而廷麟所募兵亦散至是同升自粵都至贛與廷麟謀大舉乃偕巡撫李永茂集紳士於明倫堂勸輸兵餉九月大兵屯泰和副將徐必達戰敗廷麟同升乘虛復吉安臨江加兵部尙書兼東閣大學士賜劍便宜從事十月大兵攻吉安必達戰敗赴水死會廣東援兵至大兵退屯峽江已而萬元吉至贛十二月同升卒三年正月廷麟赴贛招洞蠻張安等四營降之號龍武新軍廷麟聞王將由汀赴贛將往迎王而以元吉代守吉安無何吉安復失元吉退保贛州四月大兵逼城下廷麟遣使調廣西狼兵而身往粵都趣新軍張安來救五月望安

戰梅林再敗退保零都廷麟乃散其兵以六月入贛與元吉同守城未幾援兵至圍暫解已復合八月水師戰敗援師悉潰及汀州告變贛圍已半年守陣者皆懈十月四日大兵登城廷麟督戰久之力不支走西城投水死同守者郭維經彭期生輩皆死一時同殉者職方主事周瑚磔死通判王明汲編修兼兵科給事中萬發祥吏部主事龔祭戶部主事林琦兵部主事王其宏黎遂球柳昂霄魯嗣宗錢謙亨中書會人袁從鸚劉孟翰劉應試推官署府事吳國球監紀通判郭甯登臨江推官胡縝贛縣知縣林逢春皆被戮鄉官盧觀象盡驅男婦大小入水乃自沈死舉人劉曰佺偕母妻弟婦子姪同日死參將陳烈數力戰衆以其弟已降疑之烈亦奮勇疾鬪及見執不屈顧謂贛人曰而後乃今知我無二心也遂遭害(明史楊廷麟傳)

大清兵已取南昌袁州臨江吉安踰月又取建昌惟贛州孤懸上游兵力單寡會益府永甯王慈炎招降峒賊張安所號龍武新軍者也遣復撫州南贛巡撫李永茂乃命副將徐必達扼泰和未幾戰敗至萬安遇永茂永茂遂奔贛八月叛將白之裔入萬安江西巡撫

曠昭被執知縣梁於淦死之時唐王詔適至贛永茂乃與楊廷麟劉同升同舉兵未幾王召永茂爲兵部右侍郎以張朝經代甫任事擢元吉兵部右侍郎兼右副都御史總督江西湖廣諸軍召朝經還以同升代元吉至贛同升已卒遂以元吉兼巡撫順治三年春三月廷麟將朝王元吉代守吉安初崇正末命中書舍人張同敞調雲南兵至是抵江西兩京已相繼失因還還吉安廷麟留與共守用客禮待之其將趙印選胡一青頻立功而元吉約束甚嚴諸將漸不悅時有廣東兵亦赴援至而新軍張安者汀贛間峒賊四營之一驍勇善戰既降有復撫州功且招他營盡降元吉以新軍足恃也蔑視雲南廣東軍二軍皆解體然安卒故爲賊屠贛淫掠遣援湖西所過殘破及是 大兵逼吉安諸軍皆內擄新軍又在湖西城中軍不戰潰城遂破元吉退屯皂口檄諭贛州極言雲南兵棄城罪其衆遂西去四月吉安破元吉入贛城 大兵乘勝抵城下給事中楊文薦奉命湖南過贛入城共守禦城中賴之文薦元吉門生也元吉素有才洩事精敏及失吉安士不用命皆然坐城上對將更不交一言隔河 大營逼山麓指爲空營兵民從大營中至言敵勢盛

輒叱爲間諜斬之江西巡撫劉遠生令張琮者將兵趨湖東及贛圍急遠生自出城召琮於粵都贛人曰撫軍遁矣怒焚其舟拘遠生妻子俄遠生率琮兵至贛人乃大悔琮軍渡河抵梅林中伏大敗還至河爭舟多死於水劉遠生憤甚五月朔渡河再戰身先士卒被獲逃歸而新軍先往湖西者聞吉安復失仍還粵都廷麟躬往邀之戰梅林再敗乃散遣其軍而身入城與元吉同守自遠生敗援軍皆不敢前六月望副將吳之蕃以廣東兵五千至圍漸解未幾復合城中守如初王聞贛圍久獎勞之加元吉兵部尙書文薦右僉都御史使尙書郭維經來援維經與御史姚奇允沿途募兵得八千人元吉部將汪起龍率師數千雲南援將趙印選胡一青帥師三千大學士蘇觀生遣兵如之兩廣總督丁魁楚亦遣兵四千廷麟又收集散亡得數千先後至贛營於城外諸將欲戰元吉待水師至並擊而中書舍人來從謬募砂兵三千吏部主事龔葵兵部主事黎遂球募水師四千皆屯南安不敢下主事王其竑謂元吉曰水師帥羅明受海盜也桀驁難制黎遂球若慈母之奉驕子也今水涸巨舟難進豈能如約不聽八月 大兵聞水師至夜截諸江焚巨舟八

十死者無算火藥戎器盡失兩廣雲南軍不戰潰他營亦稍稍散去城中僅起龍維經部卒四千餘人城外僅水師後營二千餘人參將謝志良擁衆萬餘粵都不進廷麟調廣西狼兵八千人踰嶺亦不卽赴會聞汀州破人情益震懼十月朔 大兵用嚮導夜登城鄉勇猶巷戰黎明兵大至城遂破元吉死之先是元吉禁婦女出城其家人潛載其妾縋城去元吉遣飛騎追還拯其家人故城中無敢出者及城破步將擁元吉出城元吉嘆曰爲我謝贛人使闔城塗炭者我也我何可獨存遂赴水死年四十有四（明史萬元吉傳）

唐王在福建勅贛起行在宮贛以府署易爲皇城百姓怨苦（舊志）

世祖章皇帝命提督金聲桓平定江西順治三年丙戌夏四月十四日總統高進庫等九十三營督兵至贛萬元吉楊廷麟堅守孤城 大兵日戰夜攻冬十月初四日五鼓裨將賈熊麾下張大益乘守堞困怠登城折堞兵衆蜂起克城人猶巷戰總督九省巡撫南贛萬元吉內閣楊廷麟俱赴水死（舊志）

二月間官兵班師歸南昌

四月間官兵復來贛駐鎮城中無房舍砌石結茅爲居（俱舊志）

五年戊子金聲桓王得仁反率兵圍贛州先是萬元吉未敗時嘗以書招聲桓聲桓頗心動陽繫致書者於獄夜半釋縛勞問元吉起居而遣之及

王師破贛楊廷麟元吉死聲桓內不自安會僧豐論生曹兌光從閩來妄言唐藩在平遠之五子皆聲桓狐疑得仁以勢迫之遂以戊子正月反二月得仁陷九江聲桓召還與議所向得仁欲趨金陵聲桓客黃人龍曰贛州居上游文武督鎮在焉此腹心患也宸濠之事可鑒矣聲桓然之決計南攻贛都督高進庫等與戰不利堅守以挫其鋒聲桓乃檄得仁悉力攻贛而自引軍踰嶺陷南雄韶州邀粵將李成棟同叛成棟從之時明桂王由榔假號廣西江廣合從殘燼幾於復熾贛以孤城巨其中

王師得再克捷四月困山譚泰自饒州統兵攻南昌九江以偏師來會聲桓得仁先後引退贛兵追擊之得仁大敗九月成棟將兵救聲桓自南雄出官兵敗其前鋒成棟陷信豐盤桓不敢進己丑正月南昌破聲桓得仁伏誅三月譚泰及撫標中軍楊遇明兵臨信豐

贛縣志

卷二十四

武事

十六

成棟縱兵焚掠痛飲大醉出城渡河溺水死

康熙八年廷議以閩漳海寇投誠分布安插遣許貞屯田於贛縣蔡璋屯田於興國縣（激水志林）

十三年海上遺孽鄭錦擁衆窺漳泉贛屯將多鄭氏舊部與之通五月石昭於所屯處陳屋圍先發張治朱明壘江背峒者領衆尤甚六月贛遊擊吳某統兵勦昭朱明率衆助戰興國典史錢志泗饋軍被殺兵隸盡殲屯將蔡璋誘石昭誅之八月治率江背峒數千人圍城城上發大礮賊始退踞南崖石及零都等十三砦贛撫白色純總鎮劉進寶遣遊擊李天柱周球等領兵援勦賊夜遁又甯都會若干導耿逆兵陷石城六月進攻甯都郡將許盛周球自贛領兵至圍始解又賊首吳十八等五月圍石城六月汀州賊賈振魯與吳十八合圍城陷慶鎮劉進寶遣遊擊許盛率兵來援賊遁八月建寧賊甯早復圍城甯都將官管天祥率兵來援賊棄城走時粵逆尙之信統兵數萬出庾嶺遂反南安南康俱陷贛撫劉進寶同贛屯總兵官許貞統兵勦之賊回遁嶺表乃復南安南康郡縣而贛城

解嚴焉

十五年丙辰韓大任踞吉安山寇踞泰和萬安關世榮聚衆於章水鄉楚逆亂上猶崇義
粵寇破南安賊衆摘營於南康侵掠龍南信豐張制踞崖石寨四面大敵數十萬衆皆漸
次討平之

咸豐二年壬子粵西匪逆由全州出湖南攻圍長沙江西各郡戒嚴吉南贛巡道周玉衡
諭贛城紳士許奎羅亨焯徐德慕黃金奏王一山等設局團練鄉勇三年贛守覺羅耆齡
復諭紳士陳傳曜黃堃陳勉清梁定邦邱樹符康安泰蔣履燾蔡泰琳陳祥麟張成英賴
明海王昌培等增設義勇局籌軍餉備器械編立十家牌嚴稽查謹防禦五年周玉衡陞
臬使帶勇赴吉安急賊數萬圍之六年正月城陷周死節兵勇數百人無一降者賊分隊
進轅城危甚時新巡道汪報聞贛守楊豫成贛令叢占鼇及同城鎮將分守城樓兵勇紳
弁派分堞堞三月潭口沙石埠土匪黃蠟黎蔡三山等盡起勾聯髮逆誘脅鄉愚統飛虎
營中軍遮克敦布勦捕未獲玉衡四子炎另募制勇復父仇失利退歸僞尙書程逆統賊

贛

縣志

卷二十四

武事

十七

由泰萬上竄分陷零都於四月二十九日臨城壘環四面河背兵單餉匱人情洶洶先是
巡道飛稟粵督葉名琛請兵借餉五月十四日先遣南雄東勇解餉來援沿途截殺餉賴
以濟連日大雨水漲浸淹湧金門城堞賊搖船欲近轟大砲擊之沉其船十九日潮州鎮
壽山奉粵檄迅督兵勇順大水由零都破賊下入城駐紮二十二日逆由水東擁濤來攻
城中派兵勇由南門分三隊出至光稻坪發三火箭射入逆伍賊驚潰三路擊殺斬首數
百追至泥灣裏沉溺無算水東賊夜遁歸併水西日對岸挑戰六月十七日潮弁卓興乘
水淺暗渡突登岸將執旗賊首斫斃各軍奮勇爭渡城上吶喊助威鎗砲轟擊追殺數十
里奪獲軍器無數逆敗走南河潭口沙石埠惟土匪負隅樓梯嶺兵勇以路曲阻險不能
深入搗巢持久未下然每出隊必有斬獲民被脅者頗有悔懼心縣令叢占鼇徧諭紳士
散示宥罪民遂皆薙髮賊勢益孤七年正月餘黨竄韓坊信豐而去是役也巡道汪先事
豫圖粵督又其內親故得請速救贛城賴全事平仍申嚴保甲設團編查防守罔懈